


ՎԱՐՔԱԳԾԻ ԿԱՆՈՆԱԳԻՐՔ ՄԵՆԱՐԻՆԻ





Ներածություն

«Մենարինի Խմբի հարգելի անդամներ,

Ինչպես գիտեք, մենք ընտանիք ենք, որը խստորեն պահպանում է որակի ամենաբարձր չափանիշները և իր գործունեությունը ծավալում է մեր հիմնական արժեքներին համապատասխան, ներառյալ էթիկական մոտեցումը և թափանցիկությունը: Մեզանից յուրաքանչյուրը պարտավորվում է հետևել բոլոր օրենքներին և կանոնակարգերին, գործել բարեխղճորեն՝ բարձր էթիկական չափանիշներին համապատասխան: Այս էթիկական չափանիշները հիմնարար են մեր խմբի քաղաքականության համար՝ ապահովելով ընդհանուր հիմք գործընկերների հետ փոխգործակցության, գործընկերների և մատակարարների հետ բիզնես վարելու և ամբողջ աշխարհում հիվանդներին և համայնքներին ծառայություններ մատուցելու համար: Մենք ապավինում ենք Վարքագծի Կանոնագրքին Ձեր լիարժեք հավատարմությանը, որպեսզի հետագայում մենք շարունակենք լինել վստահելի ընտրություն մեր գործընկերների համար»:

Elcin Barker Ergun





01

ԷԹԻԿԱԿԱՆ ԸՆՏՐՈՒԹՅՈՒՆ

- 7 Նպատակ
- 8 Մասնակիցներ
- 8 Ինչու ենք մենք սահմանում մեր գործողությունները կարգավոր սկզբունքներ և կանոններ
- 8 Ղեկավարության նվիրվածություն և պատասխանատվություն
- 9 Պատասխանատվություն և օրենքների և կանոնների պահպանում

02

ԱԶՆՎՈՒԹՅՈՒՆ ԲԻԶՆԵՍԻ ՄԵԶ

- 11 Կաշառքի անթույլատրելիություն
- 13 Փոխգործակցություն բուժաշխատողների հետ (HCPs)
- 14 Առաջխաղացման (խթանման) գործունեություն և գիտական փոխանակում
- 14 Նվերներ, հյուրընկալություն և հարակից ծախսեր
- 15 Շահերի բախում
- 16 Մատակարարների ընտրություն և գնումներ
- 17 Մրցակցություն և բարեխճություն
- 18 Միջազգային առևտուր
- 18 Շրջակա միջավայրի պաշտպանություն

03

ԱՇԽԱՏԱՆՔԻ ՊԱՇՏՊԱՆՈՒԹՅՈՒՆ

- 21 Մարդկային ռեսուրսներ
- 22 Ոտնձգությունների և խտրականության բացարձակ չընդունում
- 23 Արդար վերաբերմունք
- 23 Առողջություն և անվտանգություն
- 24 Մարդու իրավունքներ
- 25 Աշխատակիցների գաղտնիության իրավունք
- 25 Ներգրավման մշակույթ
- 26 Պատասխանատու հաղորդակցություն սոցիալական ցանցերում

04

ԿԵՆՏՐՈՆԱՑՈՒՄ ՀԻՎԱՆԴՆԵՐԻ ՎՐԱ

- 29 Բարեխիղճ վերաբերմունք հետազոտությունների և մշակումների նկատմամբ
- 30 Տվյալների հրապարակում
- 30 Մեր արտադրանքի որակը
- 31 Հիվանդի անվտանգություն
- 31 Անվտանգության մոնիտորինգ և հաշվետվություն
- 32 Տվյալների գաղտնիություն



05

ՏԵՂԵԿԱՏՎՈՒԹՅԱՆ ՆԿԱՏԱՄԲ ԲԱՐԵԽԻՂՃ ՎԵՐԱԲԵՐՄՈՒՆՔ ԵՎ ԱԿՏԻՎՆԵՐԻ ՊԱՇՏՊԱՆՈՒԹՅՈՒՆ

- 35 Հաշվապահական հաշվառման մատյաններ, գրառումներ և ֆինանսական հաշվետվություններ
- 35 Մտավոր սեփականություն
- 36 Գաղտնի տեղեկատվություն
- 36 Կորպորատիվ ակտիվների պաշտպանություն

06

ՊԱՏԱՄԽԱՆԱՏՎՈՒԹՅՈՒՆ ՀԱՍԱՐԱԿՈՒԹՅԱՆ ԱՌԱՋ

- 39 Քաղաքական ներդրումներ
- 39 Բարեգործական և սոցիալական ծրագրեր
- 40 Համագործակցություն իշխանությունների և հաստատությունների հետ

07

ՎԱՐՔԱԳԾԻ ԿԱՆՈՆԱԳՐՔԻ ԽԱՖՏՄԱՆ ՄԱՍԻՆ ՀԱՂՈՐԴՈՒՄ (ԿՈՐՊՈՐԱՏԻՎ ԻՐԱԶԵԿՄԱՆ ՔԱՂԱՔԱԿԱՆՈՒԹՅՈՒՆ)

- 43 Իրազեկում
- 45 Կարգապահական տույժեր
- 45 Պաշտպանություն վրեժից

08

ԿՈՆՏԱԿՏԱՅԻՆ ՏՎՅԱԼՆԵՐ

- 47 Կոնտակտյաին տվյալներ

01

ԷԹԻԿԱԿԱՆ ԸՆՏՐՈՒԹՅՈՒՆ

Նպատակ

Մասնակիցներ

Ինչու ենք մենք սահմանում մեր գործողությունները կարգավորող սկզբունքներ և կանոններ

Ղեկավարության նվիրվածություն և պատասխանատվություն

Պատասխանատվություն և օրենքների և կանոնակարգերի պահպանում



Նպատակ

Մենարինի Գրուպն ընդունել է իր Վարքագծի Կանոնագրքը («Կանոնագիրք»)՝ խթանելու էթիկական չափանիշները, ապահովելու օրենքների և կանոնների համապատասխանությունը և աջակցելու անհամապատասխան կամ անօրինական վարքագծի մասին տվյալների տրամադրումը: Մենարինի Գրուպի ընկերությունների կողմից կամովին ընդունված Կանոնագիրքը սահմանում է դրական սկզբունքներ և վարքագծի կանոններ՝ որպես աշխատակիցների, հիվանդների, բիզնես գործընկերների և ընդհանրապես հասարակության (այսինքն՝ շահագրգիռ կողմերի) հանդեպ մեր նվիրվածության կոնկրետ ապացույց: Մեզանից յուրաքանչյուրի համար այս Կանոնագիրքը բարեխղճորեն գործելու հիմնական ուղեցույց է: Անգլերեն տարբերակի և թարգմանության միջև որևէ անհամապատասխանության դեպքում գերակայում է անգլերեն տարբերակը:





Մասնակիցներ


Ինչո՞ւ ենք մենք սահմանում մեր գործողությունները կարգավորող սկզբունքներ և կանոններ

Կանոնագիրքն անմիջականորեն վերաբերում է Մենարինի Գրուպ ընկերություններին, նրանց աշխատակիցներին, պաշտոնյաներին, ղեկավարներին, ինչպես նաև բիզնես գործընկերներին և բոլոր այլ անձանց, ովքեր գործնական հարաբերությունների մեջ են Մենարինիի հետ (բոլորը միասին անվանվում են «Մասնակիցներ» տերմինով):

Չնայած այն հանգամանքին, որ Մենարինի Գրուպը մշակել է մի շարք սկզբունքներ և կանոններ, չեն բացառվում իրավիճակները, երբ միշտ չէ, որ ակնհայտ է, թե ինչպես է պետք ճիշտ գործել: Նման դեպքերում խնդրում ենք առաջնորդվել Կանոնագրքով և դրանում սահմանված սկզբունքներով: Ոչ մի դեպքում այն համոզմունքը, որ գործողությունները կատարվում են ընկերության լավագույն շահերից ելնելով, չի կարող արդարացնել սույն Կանոնագրքին հակասող գործողությունները:

Ղեկավարությունն անմիջականորեն պատասխանատու է Կանոնագրքի կիրարկման համար և ձեռնարկում է բոլոր անհրաժեշտ միջոցները՝ Մենարինի Գրուպ ընկերությունների կողմից այն պահպանելու համար:

Կազմակերպության բոլոր մակարդակների վրա ղեկավարությունն անմիջականորեն պատասխանատու է էթիկական խնդիրների բացահայտման համար և իր պահանջների, գործողությունների և վարքագծի միջոցով ցույց է տալիս սույն Կանոնագրքով սահմանված էթիկական սկզբունքների և կանոնների կարևորությունը:



Սույն Կանոնագիրքը սահմանում է դրական սկզբունքները և վարքագծի կանոնները՝ որպես աշխատակիցների, հիվանդների, բիզնես գործընկերների և ընդհանրապես հասարակության հանդեպ մեր նվիրվածության կոնկրետ ապացույց:

Ղեկավարության նվիրվածություն և պատասխանատվություն



Ղեկավարության նվիրվածություն և պատասխանատվություն

Մենարինիի բոլոր ղեկավարները պետք է պատրաստ լինեն որոշումներ կայացնել խմբի հիմնական արժեքներին համապատասխան, պատասխանատվություն ստանձնել իրենց գործողությունների համար և հաշվետու լինել դրանց համար: Օրինակ ծառայելով՝ նրանք ոչ միայն կապահովեն գիտելիքներ, հասկացողություն և բոլոր աշխատակիցների կողմից սկզբունքների ու կանոնների պահպանումը, այլ նաև անհրաժեշտության դեպքում կամ եթե անհրաժեշտ համարվի, կտան ուղղորդում, աջակցություն և պարզաբանումներ:

Ղեկավարները պետք է հստակ հայտարարեն, որ չեն հանդուրժի Վարքագծի Կանոնագրքի խախտում:



Պատասխանատվություն և օրենքների և կանոնների պահպանում

Մենարինին առաջնորդվում է այն երկրների բոլոր գործող օրենքներով և նորմատիվ ակտերով, որտեղ նա գործում է, ներառյալ օրենքներն ու նորմատիվ ակտերը, որոնք կարգավորում են մեր բոլոր ապրանքների հետադոտությունը, մշակումը, արտադրությունը, բաշխումը, շուկայավարումը և առաջնորդումը: Մա վերաբերում է նաև տեղական առևտրային միությունների կանոններին: Սույն Կանոնագրքի և գործող միջազգային և տեղական օրենքների միջև հակասության և/կամ անհամապատասխանության դեպքում կիրառվում է ամենախիստ կանոնը:

02

ԱԶՆՎՈՒԹՅՈՒՆ ԳՈՐԾՆԱԿԱՆ ՀԱՐԱԲԵՐՈՒԹՅՈՒՆՆԵՐՈՒՄ

Կաշառքի անթույլատրելիություն

Փոխգործակցություն բուժաշխատողների հետ (HCPs)

Առաջնության (խթանման) գործունեություն և գիտական փխսանակում

Նվերներ, հյուրընկալություն և հարակից ծախսեր Շահերի բախում

Մատակարարների ընտրություն և գնումներ

Մրցակցություն և բարեխղճություն

Միջազգային առևտուր

Շրջակա միջավայրի պաշտպանություն



Կաշառքի անթույլատրելիություն

Մենարինին խստիվ արգելում է կաշառակերության ցանկացած ձև (լինի հանրային, մասնավոր, ակտիվ թե պասիվ), վատնում, խարդախություն, գողություն և/կամ անհարկի օգուտների ներկայացում:

Այսպիսով, Մասնակիցները պետք է ձեռնպահ լինեն ուղղակի կամ անուղղակի առաջարկներից, խոստումներից կամ որևէ արժեքավոր իրերի տրամադրումից (օրինակ՝ նվերներ, ճամփորդության հետ կապված անհիմն օգուտներ, գործնական պայմանավորվածություններ և այլն), որոնք կարող են ազդել գործնական որոշման կայացման կամ անարդար օգուտներ ստանալու, ներառյալ գործող պայմանագրերի կամ նոր բիզնեսի ստեղծման վրա:

Շարունակությունը
հաջորդ էջում




Երբ բախվում եք բարդ իրավիճակի, հարցրեք ինքներդ ձեզ:

Արդյո՞ք թույլատրվում է կիրառելի օրենքներով և կանոններով:

Արդյո՞ք դա համահունչ է Կանոնագրքի տառին և ոգուն, ինչպես նաև ընկերության այլ քաղաքականություններին ու ընթացակարգերին:

Արդյո՞ք ինձ հարմար կլինի, եթե իմ գործողությունները հայտնի դառնան լրատվամիջոցներին:





Կաշառքի
անթույլատրելիություն

Նման գործողություններն անընդունելի են համարվում Մենարինիի, նրա աշխատակիցների և բիզնես գործընկերների համար:

Ներգրավված անձինք (ընկերության հետ միասին) պատասխանատվություն են կրում սույն Կանոնագրքի համաձայն, այն երկրների օրենքներին և նորմատիվ ակտերին համապատասխան, որտեղ նրանք գործում են, ներառյալ երրորդ կողմի հետ փոխգործակցության դեպքում, որն առաջարկում կամ տալիս է կաշառք: Որպեսզի Մենարինին հարաբերություններ պահպանի միայն նրանց հետ, ովքեր հավատարիմ են մեր էթիկական չափանիշներին, անհրաժեշտ է ցուցաբերել զգուշություն և պատշաճ զգոնություն երրորդ կողմերի ընտրության հարցում: Սա վերաբերում է նաև բուժաշխատողների հետ գործունեությանը: Կարևոր է հիշել, որ շատ իրավիճակներում նրանք կարող են լինել պաշտոնյաներ/պետական պաշտոնյաներ՝ կաշառակերության և կոռուպցիայի մասին օրենքների կիրառման առումով (տես Առողջապահության ոլորտի աշխատողների հետ փոխգործակցություն):

Փոխգործակցություն
բուժաշխատողների
հետ (HCPs)

Մերանինին լիովին առաջնորդվում է բուժաշխատողների հետ փոխգործակցությանը վերաբերող բոլոր գործող կանոնակարգերով:

Առողջապահության ոլորտի աշխատողների բժշկական կարծիքի վրա ազդեցությունը բացառելու նպատակով, կառավարության, հիմնարկների և այլ կառույցների (պետական և մասնավոր) աշխատակիցների կամ պաշտոնյաների հետ բոլոր հարաբերությունները պատշաճ վերահսկվում են (տես «Կաշառքի անթույլատրելիություն» բաժինը): Եթե Ձեզ համար՝ որպես հետազոտող, խորհրդատու կամ զեկուցող, անհրաժեշտ լինի ներգրավել առողջապահության աշխատող՝ մեր հետազոտությունն իրականացնելու կամ գիտական գիտելիքները կիսելու համար, ապա դա կարվի բացառապես օրինական և հիմնավորված գործնական նպատակներ ապահովելու նպատակով: Նման համագործակցության պայմանները նույնպես պետք է համապատասխանեն ներքին սկզբունքներին ու ընթացակարգերին, ինչպես նաև բոլոր օրենքներին ու կանոնակարգերին: Առողջապահության ոլորտի աշխատողների հետ փոխգործակցությունը պետք է կարգավորվի ինչպես միջազգային իրավունքով, այնպես էլ ոլորտի համապատասխան վարքագծի կանոնագրքերով (մասնավորապես, Դեղարտադրողների և ասոցիացիաների միջազգային ֆեդերացիա - IFPMA) և տարածաշրջանային/տեղական կանոնակարգերով (օրինակ՝ Դեղագործական արդյունաբերության և ասոցիացիաների եվրոպական ֆեդերացիա - EFPIA):

Այդ նպատակով Մենարինին մշակել է հատուկ ներքին կանոններ առողջապահական համակարգի, դեղագործական շուկայի և գովազդային (խթանման) գործունեության հետ փոխգործակցության համար՝ համաձայն էթիկայի և Ազնվության մասնագիտական քաղաքականության (Ethics & Integrity Policies), ինչպես նաև Տվյալների պաշտպանության ընդհանուր կանոնակարգի և յուրաքանչյուր առանձին ընկերության մակարդակով հասկամենաշնորհային օրենսդրության պահպանման համապատասխան ծրագրերի:

⚠
Առողջապահության
աշխատողներն են. բժիշկներ,
ատամնաբուժության,
դեղագործության ոլորտի
մասնագետներ, բուժքույրական
անձնակազմ և ցանկացած այլ
անձինք, ովքեր իրենց
գործունեության ընթացքում
կարող են նշանակել, ձեռք
բերել, մատակարարել,
առաջարկել, տրամադրել
դեղորայքներ:





Առաջնության (խթանման) գործունեություն և գիտական փոխանակում

Հոգալով արտադրանքի որակի և անվտանգության մասին՝ Մերանինին ձգտում է իր գովազդային (խթանման) և տեղեկատվական գործունեությունն իրականացնել ազնիվ և արդար եղանակով՝ ձգտելով ապահովել և ամրապնդել իր՝ որպես վստահելի ընկերության իմիջը: Խթանման (առաջնության) գործունեության նպատակն է հնարավորություն տալ առողջապահության ոլորտի աշխատողներին ձևավորել իրենց կարծիքը մեր արտադրանքի թերապևտիկ արժեքի վերաբերյալ, ապահովել դրանց արդյունավետ օգտագործումը և բարելավել հիվանդների խնամքը: Մա կարող է ներառել բժշկական հետազոտությունների ընդլայնում, բժշկության և կառավարման ոլորտում գիտելիքների բարձրացում, մեր արտադրանքի և ծառայությունների առաջխաղացում և այնուհետև անհրաժեշտ արձագանքների հավաքում: Գովազդային նյութերն ու գործունեությունը, ներառյալ ընկերության կամ նրա աշխատակիցների կողմից ակտիվորեն օգտագործվողները, որոնք պարունակում են որոշակի հայտարարություններ և տեղեկատվություն մեր արտադրանքի մասին, խստորեն կարգավորվում են համաշխարհային մակարդակով: Մենք պարտավոր ենք պահպանել բոլոր գործող միջազգային և տեղական կանոնակարգերը: Բոլոր գովազդային նյութերն ու գործողությունները պետք է լինեն չափազանց ճշգրիտ՝ երկիմաստությունից խուսափելու և էթիկական, բժշկական և գիտական բարձր չափանիշներին համապատասխան:

Սկզբունքորեն, եթե արգելված չէ գործող օրենքներով, նորմատիվ ակտերով կամ ոլորտի համապատասխան կանոնագրքերի դրույթներով, ապա ավանդական նվերների կամ համեստ հյուրասիրությունների կամ այլ բարիքների առաջարկը բիզնես քննարկման ժամանակ թույլատրվում է : Բացառությամբ այն դեպքերի, երբ նման քաղաքավարության նշանները կարող են գնահատվել որպես ստացողին կաշառելու փորձ ([տես «Կաշառքի անթույլատրելիություն» բաժինը](#)): Բացի այդ, Դուք պետք է առաջնորդվեք գործարար էթիկայի կանոններով և չափանիշներով, որոնք թույլատրված են տեղական օրենքներով և կանոնակարգերով ([տես Փոխգործակցություն առողջապահության աշխատողների հետ](#)):

Նվերներ, հյուրասիրության նշաններ և հարակից ծախսեր



Շահերի բախում

Շահերի բախումը մի իրավիճակ է, որն առաջանում է, երբ Ձեր անձնական շահերը հակասության մեջ են մտնում կամ կոնֆլիկտի տպավորություն են ստեղծում՝ ներառյալ հավանական, Մենարինիի շահերի հետ: Այս գործողություններից որևէ մեկի (իրական կամ պոտենցիալ շահերի բախումով) իրականացումը, դրանց իրականացմանն աջակցելը կամ որևէ այլ գործողություն, որը կարող է Ֆասս հասցնել Ձեր մասնագիտական գնահատականին և/կամ վտանգել ընկերության լավագույն շահերից ելնելով անաչառ որոշում կայացնելու Ձեր կարողությանը, բացարձակապես արգելված են: Մա վերաբերում է նաև հարակից այլ գործունեությանը, որը հակասում էն սույն Կանոնագրքի սկզբունքներին և կանոններին: Շահերի բախման վերաբերյալ միայն մեկ կասկած առաջանալու դեպքում Մենարինիի հանդեպ վստահությունը կարող է խաթարվել, ինչը լրջորեն կՖասսի մեր հեղինակությանը: Ուստի մենք միշտ ձգտում ենք բացահայտել նման իրավիճակը և միջոցներ ձեռնարկել շահերի բախումը վերացնելու կամ լուծելու համար:

A Շահերի բախման օրինակ. աշխատանք երկու վայրերում



Սցենար

Կադրերի բաժինը տեղեկատվություն է ստանում մեկ այլ ընկերությունում լրիվ դրույքով աշխատող աշխատակցի մասին: Այս կապակցությամբ հարուցվել է դատական գործ:



Արդյունք

Կադրերի բաժնի և աշխատակցի միջև զրույցի ընթացքում պարզվեց, որ նա՝ մինչև Մերանինիում աշխատելը դուրս չի եկել իր նախկին աշխատանքից: Քանի որ երկակի աշխատանքը համարվում է շահերի բախում, որը զգալի վտանգ է ներկայացնում երկու ընկերությունների գաղտնիության համար, Մենարինիի հետ աշխատանքային պայմանագիրն անմիջապես խզվեց:



Եզրակացություններ

Պետք է հասկանալ, որ երկակի աշխատանքը կտրականապես չի խրախուսվում, քանի որ դա ակնհայտորեն հակասում է ընկերության պաշտոնական պարտականություններին և գործնական շահերին:

Մատակարարների ընտրություն և գնումներ

Մենարինին իր գործունեությունն իրականացնելիս ձեռք է բերում ապրանքներ և ծառայություններ՝ հաշվի առնելով դրանց որակը, անվտանգությունը, արդյունավետությունը, ինչպես նաև վստահելի մատակարարների առաջարկած գինը:

Մատակարարները պետք է կիսեն բարեխիղճ լինելու և տեղական կանոնները ու օրենքները պահպանելու մեր ձգտումը: Նրանց ընտրությունը հիմնված է արդարության, թափանցիկության, շահերի բախումներից ամբողջությամբ խուսափելու, նույնիսկ պոտենցիալ, սկզբունքների վրա, որոնք ազդեցություն ունեն ապրանքները և ծառայությունները ձեռքբերելու մեր ընտրության վրա: Որպես հետևանք, մենք ստուգում ենք մեր մատակարարների հետ փոխգործակցության կանոնավորությունը (տես «Մենարինիի վարքագծի կանոնագիրքը երրորդ անձանց համար»):

Մենք չենք հանդուրժի որևէ անօրինական վարքագիծ, ինչպիսիք են կոռուպցիան, անբարեխիղճ մրցակցությունը, բնապահպանական կանոնների խախտումը կամ աշխատանքային պայմանները, որոնք խախտում են մարդու իրավունքները:



Մրցակցություն և բարեխղճություն

Մենարինիի համար մրցակցությունը և բարեխղճությունը ոչ միայն իրավական պահանջներ են, այլև հաստատված կորպորատիվ արժեքներ: Մենք ձգտում ենք ստեղծել բաց և մրցունակ շուկա՝ հիմնվելով մեր արտադրանքի ուժեղ կողմերի և առավելությունների վրա: Որպես իր սեփական սոցիալական պատասխանատվության մաս՝ Մերանինի Գրուպն իրականացրել է կոնկրետ քաղաքականություն և ծրագրեր՝ ապահովելու հավասար մրցակցություն և ազնվություն բոլոր գործնական հարաբերություններում: 2006 թվականից ներդրվել է ուսուցման և վերահսկման համալիր համակարգ: Իրականացվել են կորպորատիվ քաղաքականություններ, որոնք մշտապես թարմացվում են՝ գործունեություն ծավալելու ընթացքում հակամենաշնորհային խախտումների ռիսկը նվազեցնելու համար:



Միջազգային առևտուր

Շրջակա միջավայրի պաշտպանություն

Մենարինին պարտավորվում է պահպանել միջազգային առևտրի բոլոր օրենքներն ու կանոնակարգերը, ներառյալ ներմուծումը, արտահանումը, առևտրային պատժամիջոցները և էմբարգոն կարգավորող օրենքները: Բոլոր աշխատակիցներից պահանջվում է տեղյակ լինել այն սահմանափակումների մասին, որոնք վերաբերում են Մենարինիի ցանկացած գործունեությանը: Սահմանափակումները և արգելքները կարող են կախված լինել ապրանքների բնույթից, ծագման կամ նշանակման երկրից, ֆինանսական գործարքների արժույթից կամ նույնիսկ նման գործարքի մի մասի սահմանումից:

Մենարինին գիտակցում է շրջակա միջավայրի պաշտպանության կարևորությունը և իր գործունեությունը պլանավորելիս փորձում է հավասարակշռություն գտնել տնտեսական նախաձեռնությունների և շրջակա միջավայրի պաշտպանության համար անհրաժեշտ միջոցառումների միջև: Մենք վարում եք բիզնեսը ռացիոնալ կերպով՝ էկոլոգիայի տեսանկյունից ելնելով, որպեսզի նվազագույնի հասցնեք շրջակա միջավայրի վրա ազդեցությունը:

Մա արտացոլված է մեր պարտավորվածության մեջ, որ որտեղ մենք գործում ենք, մենք կիրառում ենք բնապահպանական չափանիշներ՝ ապահովելու, որ բոլոր կիրառելի միջազգային և տեղական օրենքներն ու կանոնակարգերը պահպանվեն՝ միաժամանակ երաշխավորելով մեր ազդեցությունը մեղմելուն ուղղված գործողությունների առավելագույն արդյունավետությունը:



Գլուխ 2 - Գործնական օրինակներ ✓

Կարո՞ղ եմ ընդունել միջոցառմանը մասնակցելու մատակարարի հրավերը:

Եթե դա արգելված չէ տեղական գործող օրենքներով և արդյունաբերության օրենսգրքերով, ապա հրավերի ընդունումը արգելված չէ, եթե առիթը տեղին է, և միջոցառումը անցկացվում է ոչ կանոնավոր կերպով: Նախքան մասնակցությունը հաստատելը, Դուք պետք է խորհրդակցեք Ձեր ղեկավարի հետ, քանի որ դա կարող է ազդել ապագա որոշումների կայացման Ձեր օբյեկտիվության վրա:

Ի՞նչ պետք է անեմ, եթե անհրաժեշտ լինի որոշում կայացնել, որը կարող է հանգեցնել շահերի բախման:

Անմիջապես քննարկեք իրավիճակը Ձեր ղեկավարի հետ: Սովորաբար բավական է տեղեկացնել և փաստագրել հնարավոր բախումը: Դուք կարող եք նաև քննարկել այս հարցը Իրավաբանական կամ Համապատասխանության բաժնի հետ՝ համապատասխան լուծում գտնելու համար:

Որպես առողջապահության ներկայացուցիչ՝ ես կցանկանայի տեղացի բուժաշխատողներին տրամադրել պլանշետներ, որտեղ ներկայացված են մեր արտադրանքը: Դա հնարավոր է?

Ոչ: Թույլատրվում են միայն ուսումնական նյութեր և անվանական արժեք ունեցող իրեր, որոնք վերաբերում են բժշկական պրակտիկային և թույլատրված են տեղական օրենքներով և ընկերության քաղաքականությամբ: Բոլոր նվերները պետք է նախապես հաստատված լինեն համապատասխան բաժինների կողմից: Թույլատրված նվերների վերաբերյալ որևէ կասկած ունենալու դեպքում, խնդրում ենք կապվել մեր Համապատասխանության բաժնի հետ՝ պարզաբանումներ կամ խորհրդատվություն ստանալու համար:



03

ԱՇԽԱՏԱՆՔԻ ՊԱՇՏՊԱՆՈՒԹՅՈՒՆ

Մարդկային ռեսուրսներ Ոսնձգությունների և
խտրականության բացարձակ չընդունում

Արդար վերաբերմունք

Առողջություն և անվտանգություն

Մարդու իրավունքներ

Աշխատակիցների գաղտնիության իրավունք

Ներգրավման մշակույթ

Պատասխանատու հաղորդակցություն

սոցիալական ցանցերում



Մարդկային ռեսուրսներ

Մարդկային ռեսուրսները մեր ընկերության զարգացման կարևորագույն տարրն են: Մարդկային ռեսուրսների կառավարումը հիմնված է մարդկանց նկատմամբ հարգանքի և նրանց եզակիության ճանաչման վրա: Նրանց բարձր պրոֆեսիոնալիզմը և Մերանինին նվիրվածությունը չափազանց կարևոր են ընկերության նպատակներին հասնելու համար: Այդ իսկ պատճառով, մենք խրախուսում ենք մասնագիտական աճն ու զարգացումը, որոնք ուղղված են գիտելիքների և ձեռք բերված հմտությունների բարձրացմանը՝ անձնական իրավունքների, մասնավորապես մեր աշխատակիցների ֆիզիկական և էթիկական անձեռնմխելիության վերաբերյալ գործող օրենսդրության համաձայն:

Կանոնագրքում նշված արժեքներին նվիրվածությունը հիմնարար նշանակություն ունի մեր

աշխատակիցներին պարզևատրելու, ոգևորելու և կարիերայի առաջխաղացման համար:

Մենարինին հավասարապես և հարգանքով է վերաբերվում թափուր աշխատատեղերի բոլոր դիմորդների նկատմամբ՝ օգտագործելով ստանդարտ առաջատար փորձը: Ցանկացած ձևի առաջարկություն և հովանավորչություն չի թույլատրվում:



Ոսնձգությունների և խտրականության բացարձակ չընդունում

Ինչ վերաբերում է խտրականությանը կամ ոսնձգություններին, մենք մեր աշխատակիցներից պահանջում ենք հավատարիմ մնալ բացարձակ հանդուրժողականության մեր դիրքորոշմանը: Մերանինին պարտավորվում է ստեղծել խտրականությունից զերծ աշխատանքային միջավայր: Մենք չենք հանդուրժի որևէ նախապաշարմունք, որը հիմնված է անձնական հատկանիշների վրա, ինչպիսիք են ռասան, մաշկի գույնը, սեռը, կրոնը, ազգությունը, սեռական նախապատվությունը, տարիքը, հաշմանդամությունը, հղիությունը, ամուսնական կարգավիճակը, վետերանի կարգավիճակը կամ օրենքով պահանջվող ցանկացած այլ հանգամանք:

Մարդկային ռեսուրսների կառավարումը, ներառյալ հավաքագրումը (ռեկրուտինգ), ատեստավորումը, տեղափոխումը, կարիերայի առաջխաղացումը, փոխհատուցումը կամ աշխատանքից ազատելը, պետք է իրականացվի առանց խտրականության: Աշխատակիցները և ղեկավարները պետք է ակնկալեն, որ իրենք կգնահատվեն ըստ իրենց հմտությունների, կարողությունների և արտադրողականության, այլ ոչ թե իրենց անհատական հատկանիշների կամ հակումների:



Մենարինին ձգտում է ստեղծել աշխատանքային միջավայր առանց խտրականության: Մենք չենք հանդուրժի որևէ կողմնակալություն՝ հիմնված անձնական հատկանիշների վրա, ինչպիսիք են ռասան, գույնը, սեռը, կրոնը, ազգությունը, սեռական նախապատվությունը, տարիքը, հաշմանդամությունը, հղիությունը, ամուսնական կարգավիճակը, վետերանի կարգավիճակը և այլն: Նույնը վերաբերում է հետապնդմանը, ահաբեկմանը կամ հարկադրանքին:

Արդար վերաբերմունք

Մենարինին երաշխավորում է արդար և հավասար վերաբերմունք բոլոր աշխատակիցների նկատմամբ, նպաստում է բարենպաստ աշխատանքային միջավայրի ստեղծմանը և պահպանում է աշխատանքային բոլոր օրենքներն ու կանոնակարգերը: Մենք անում ենք ամեն հնարավոր բան, որպեսզի ապահովենք ոչ քաղաքակիրթ և անարդկային գործողություններից զերծ աշխատանքային միջավայր, ներառյալ սեռական ոսնձգությունները և անարգանքը, մարմնական պատիժը, ֆիզիկական կամ հոգեբանական հարկադրումները և բանավոր վիրավորանքները:

Առողջություն և անվտանգություն

Մենարինին գիտակցում է իր բոլոր աշխատակիցների և այն մարդկանց առողջության և անվտանգության պաշտպանության կարևորությունը, ովքեր մուտք ունեն մեր գրասենյակներ և ներգրավված են ընկերության գործունեության մեջ: Մենք պարտավորվում ենք ամբողջ աշխարհի աշխատավայրերում կիրառել առողջության և անվտանգության միասնական չափանիշներ՝ բարելավելով աշխատանքային միջավայր, ապահովելով բոլոր կիրառելի օրենքներին և կանոնակարգերին համապատասխանությունը, ներառյալ գործնական ճանապարհորդությունների և հանդիպումների հետ կապված: Մեր նպատակն է նվազեցնել կամ կանխել մեր աշխատակիցների, երրորդ անձանց և հանրության մասնակցությամբ կողմնակի դժախտ պատահարները: Որպես այդպիսին, մենք ակտիվորեն խթանում ենք դժբախտ պատահարների կանխարգելման և ռիսկերի իրազեկման մշակույթը մեր աշխատակիցների շրջանում՝ հաստուկ տեղեկատվության և նպատակային վերապատրաստման ծրագրերի միջոցով: Յուրաքանչյուր ոք պատասխանատու է անվտանգ աշխատանքային պայմանների պահպանման համար, ներառյալ բոլոր դժբախտ պատահարների և/կամ «պոտենցիալ վտանգավոր իրավիճակների» մասին ժամանակին իրազեկման միջոցով:





Մարդու իրավունքներ

Մենարինին պարտավորում է հավատարիմ լինել և հարգել ՄԱԿ-ի Մարդու իրավունքների Համընդհանուր Հռչակագրի սկզբունքները՝ խուսափելով որևէ չարաշահման մեջ ներգրավվելուց: Մենք պարտավորվում ենք պաշտպանել մեր աշխատակիցների արժանապատվությունը, ազատությունը, առողջությունը և իրավահավասարությունը՝ համաձայն բոլոր կիրառելի օրենքների, և արգելում ենք խտրականության ցանկացած ձև, մանկական կամ հարկադիր աշխատանքի կիրառումը: Մենք մեր գործընկերներից պահանջում ենք մարդու և աշխատողների իրավունքների նկատմամբ նույն հավատարմությունը:



Աշխատակիցների գաղտնիության իրավունք

Մենարինին լրջորեն է վերաբերվում բոլոր անձնական տվյալների, ներառյալ իր աշխատակիցների և գործընկերների անձնական տվյալների պաշտպանությանը: Այս տեղեկատվությունը մշակվում է խիստ գաղտնիությամբ՝ համաձայն տվյալների պաշտպանության գործող կանոնակարգերի, ինչպես նաև Մենարինի Գրուպի տվյալների պաշտպանության ընդհանուր կանոնակարգի: Տեղեկատվությունը հավաքագրվում է տվյալների նվազագույնի հասցնելու սկզբունքին համապատասխան և միայն աշխատանքային հարաբերությունների հետ կապված նպատակներով: Դա արվում է միայն լիազորված աշխատակիցների կողմից՝ աշխատանքային խիստ անհրաժեշտությունից ելնելով: Տվյալները ապահով կերպով պահվում են այնքան ժամանակ, որքան անհրաժեշտ է այն նպատակներին հասնելու համար, որոնց համար դրանք հավաքվել են, որից հետո դրանք պատշաճ կերպով ջնջվում են: Ցանկացած ժամանակ մեր աշխատակիցները և գործընկերները կարող են կապ հաստատել տվյալների պաշտպանության իրավասու անձնակազմի հետ՝ օրենքով նախատեսված գաղտնիության իրավունքներից օգտվելու նպատակով և/կամ հաղորդել անձնական տեղեկատվության չարաշահման մասին:



Ներգրավման մշակույթ

Մեզ համար բազմազանությունը կարևոր արժեք է յուրաքանչյուր աշխատակցի եզակիության և արժեքավոր ավանդի հանդեպ հարգանքի մշակույթի զարգացման համար: Մեր աշխատանքային միջավայրում ցանկացած բազմազանություն՝ լինի դա ազգություն, մշակույթ, էթնիկական պատկանելիություն, կրոն կամ մասնագիտական ծագում, դիտվում է որպես լրացուցիչ առավելություն: Մենք փորձում ենք հաշվի առնել նման տարբերությունները և գիտակցել դրանց կարևորությունը մեր հաջողության համար:



Պատասխանատու հաղորդակցություն սոցիալական ցանցերում

Ընկերության կերպարը և հեղինակությունը պաշտպանելու համար աշխատակիցները պետք է պատշաճ կերպով օգտվեն սոցիալական մեդիայից՝ ինչպես անձնական, այնպես էլ մասնագիտական նյութում: Իրականում, որոշակի բովանդակություն տեղադրելը կամ մեկնաբանելը կարող է ազդել Մենարինիի հեղինակության վրա:

Միայն լիազորված աշխատակիցներին է թույլատրվում շփվել սոցցանցերում Մենարինիի անունից՝ Ընկերության արտադրանքների հետ կապված:



Գլուխ 3 - Գործնական օրինակներ ✓

Ես տեղյակ եմ, որ իմ բաժնում թափուր աշխատատեղ կա: Ես նաև գիտեմ, որ եղբայրս հետաքրքրված է աշխատել Մենարինիում: Կարո՞ղ եմ նրան երաշխավորել իմ ղեկավարին կամ կադրերի բաժնին:

Մենարինին խրախուսում է որակյալ անձնակազմի երաշխավորությունները՝ անկախ աշխատակիցների հետ նրանց հարաբերություններից: Այնուամենայնիվ, ընկերությունը չի իրականացնում կադրերի հավաքագրում կամ աշխատանքի չի ընդունում որևէ ձևի երաշխավորության կամ հովանավորչության հիման վրա:

Ես ունեմ ոչ պաշտոնական տեղեկություն, որ մեր մատակարարը գտնվում է հետաքննության մեջ՝ մանկական աշխատուժի օգտագործման մեղադրանքով: Արդյո՞ք ես պետք է անտեսեմ այս լուրը (բամբասանք):

Ոչ: Մենարինին պաշտպանում է մարդու իրավունքները և չի հանդուրժում այնպիսի գործողություններ, որոնք հակասում են գործող օրենսդրությանը և ընդունված աշխատանքային չափանիշներին: Դուք պետք է անմիջապես զեկուցեք այդ մասին Ձեր ղեկավարին: Մենարինին կուսուժասանի այդ հարցը և, անհրաժեշտության դեպքում, համապատասխան քայլեր կձեռնարկի:

Գործընկերներիցս մեկն ինձ առաջարկեց սոցիալական ցանցում իմ պրոֆիլի միջոցով հրապարակել մեր արտադրանքի մասին գրառումը: Դա թույլատրվա՞ծ է:

Այս իրավիճակը մեծ զգուշություն է պահանջում: Հիշեք, որ միայն լիազորված աշխատակիցները իրավունք ունեն պաշտոնապես շփվել սոցցանցերում Մենարինիի անունից, ինչպես նաև իր արտադրանքի մասին անել հրապարակումներ:



04

ԿԵՆՏՐՈՆԱՑՈՒՄ ՄԵՐ ՀԻՎԱՆԴՆԵՐԻ ՎՐԱ

Բարեխղիղ վերաբերմունք հետազոտության և մշակման նկատմամբ
Տվյալների հրապարակում
Մեր արտադրանքի որակը
Հիվանդի անվտանգություն
Անվտանգության մոնիտորինգ և հաշվետվություն
Տվյալների գաղտնիություն



Բարեխղիղ վերաբերմունք հետազոտությունների և մկակման նկատմամբ

Հետազոտության և մշակման հարցում մենք ձգտում ենք ձեռք բերել գիտական առաջատար փորձ, ինչը թույլ է տալիս մեզ տրամադրել մեր հիվանդների թերապևտիկ պահանջները բավարարող նորարար և որակյալ արտադրանք:

Մենք բարեխղճորեն իրականացնում ենք այս գործունեությունը՝ առանց զրկելու էթիկական ասպեկտները՝ ապահովելով, որ բոլոր նախակլինիկական և կլինիկական հետազոտություններն իրականացվում են ամենաբարձր բժշկական և գիտական չափանիշներին համապատասխան՝ բոլոր գործող օրենքների, նորմատիվ ակտերի և առաջատար փորձի կիրառման ուղեցույցների համաձայն:





Տվյալների հրապարակում

Այն դեպքերում, որտեղ թույլատրվում է, մենք փորձում ենք կլինիկական փորձարկումներից ստացված տեղեկատվությունն ու տվյալները կիսել հիվանդների, բժշկական կամ հետազոտական միությունների և լրատվամիջոցների հետ:

Մենք դա անում ենք՝ պահպանելով հիվանդների գաղտնիությունը, ինչպես նաև գործող կանոնակարգերին համապատասխան:



Մեր արտադրանքի որակը

Մենք նախագծում, արտադրում և վերահսկում ենք մեր արտադրանքը որակի ամենաբարձր չափանիշներին, բոլոր օրենսդրական և նորմատիվ պահանջներին, ինչպես նաև համաշխարհային պրակտիկայում առաջատար փորձին համապատասխան: Այդ նպատակով մենք ներդրել ենք որակի եզակի համակարգ, որն աջակցում և ապահովում է բարձր որակավորում ունեցող անձնակազմ, որը մշտապես խթանվում է ընկերության կողմից: Որակի համակարգը պարբերաբար ստուգվում և հավաստագրվում է համապատասխան առողջապահական մարմնի կողմից:



Հիվանդի անվտանգություն

Մեր գործունեության հիմքում ընկած է հիվանդների նկատմամբ մեր ուշադրությունը: Մենք իրացնում ենք դեղամիջոցներ, որոնք պաշտպանում և բարելավում են ֆիզիկական ամբողջականությունն ու առողջությունը: Հիվանդի նկատմամբ էթիկական պարտավորությունների լավագույն իրականացման և համապատասխանության համար մենք գործադրում ենք բոլոր ջանքերը՝ օպտիմալ գիտական, թերապևտիկ, բժշկական և ախտորոշիչ լուծումներ տրամադրելու համար: Դա նաև ենթադրում է մեր արտադրանքի նկատմամբ ամենախիստ նորմերի պահպանմանը և նույնիսկ գերազնահատելուն ուղղված աշխատանք՝ ապահովելու հիվանդների անվտանգությունը: Մենք հետևողականորեն ձգտում ենք պաշտպանել մեր ապրանքներն ու ապրանքանիշերը կեղծիքից, կեղծումից, գողությունից կամ այլ անօրինական օգտագործումից:

Անվտանգության մոնիտորինգ և հաշվետվություն

Մենարինին վերահսկում, գնահատում և կառավարում է բոլոր տվյալները, որոնք վերաբերում են շուկայահանվող արտադրանքի և կլինիկական փորձարկումների ենթարկվող դեղերի անվտանգությանը: Հետևաբար, աշխատակիցներն անմիջապես հայտնում են կողմնակի ազդեցությունների կամ խնդիրների մասին, որոնք կարող են առաջանալ Մենարինի Գրուպ ընկերության կողմից վաճառվող դեղամիջոցի կամ արտադրանքի ընդունումից հետո: Անցանկալի երևույթները ներառում են ցանկացած անբարենպաստ և անսպասելի հետևանքներ, ինչպիսիք են լաբորատոր արդյունքների շեղումները, ախտանիշը կամ հիվանդությունը, որը ժամանակավորապես կապված է դեղամիջոցի ընդունման հետ, նույնիսկ եթե դա կապված չէ բուն դեղամիջոցի հետ: Անբարենպաստ երևույթների մասին կարող եք տեղեկացնել՝ Մենարինի Գրուպ ընկերությունների կայքերում մանրամասն նկարագրված ընթացակարգի համաձայն:



Մեր գործունեության ու որոշումների հիմքում ընկած է հիվանդների նկատմամբ ուշադրությունը: Մենք մշակում և շուկա ենք հանում դեղամիջոցներ՝ նրանց ֆիզիկական ամբողջականությունն ու առողջությունը պաշտպանելու և բարելավելու համար: Հիվանդի անվտանգությունը երբեք չպետք է վտանգի ենթարկվի:

Տվյալների գաղտնիություն

Մեր հիվանդների անձեռնմխելիության իրավունքը, հիմնարար ազատությունները և արժանապատվությունը, ներառյալ՝ նրանց, ովքեր մասնակցում են կլինիկական փորձարկումներին, որոնք հովանավորվում են Մենարինի Գրուպի կողմից աշխարհի ցանկացած վայրում, մեզ համար չափազանց կարևոր են:

Մենարինին պարտավորվում է ապահովել իր բոլոր հիվանդների տվյալների անվտանգությունը, պահպանել անվտանգության միջոցառումները՝ գործող օրենքներին համապատասխան՝ կանխելու տվյալների կորուստը, անօրինական մուտքը և օգտագործումը: Բացի այդ, ընկերությունն կիրառում է տարբեր տեխնոլոգիական լուծումներ և անվտանգության ընթացակարգեր, որոնք նախատեսված են բոլոր անձնական տվյալների պաշտպանության համար: Նման տվյալները հավաքվում, մշակվում և ջնջվում են անվտանգության ամենախիստ չափանիշներին համապատասխան և ուղեկցող տեղեկատվական ծանուցումների համաձայն: Ցանկացած պահի հիվանդները կարող են կապ հաստատել տվյալների պաշտպանության իրավասու աշխատակցի հետ՝ օգտվելու գաղտնիության մասին օրենքով վերապահված իրավունքներից և/կամ հայտնելու իրենց անձնական տվյալների ցանկացած չարաշահման և ոչ պատշաճ օգտագործման մասին:



Գլուխ 4 - Գործնական օրինակներ ✓



Ես աշխատում եմ արտադրական գծում: Ի՞նչ պետք է անեմ, եթե նկատեմ, որ կոնվեյերից դուրս եկող որոշ ապրանքներ չեն համապատասխանում Մենարինիի որակի չափանիշներին:

Մենարինին արտադրում է բարձրորակ արտադրանք: Եթե նկատեք մեր չափանիշներին չհամապատասխանող ապրանքներ, ապա առաջնորդվեք համապատասխան փաստաթղթերում նկարագրված ընթացակարգով: Անհրաժեշտության դեպքում տեղեկացրեք Ձեր ղեկավարին և որակի վերահսկման բաժնի մասնագետներին:

Երեկոյթի ժամանակ իմ գործընկերը իմանում է, որ իր ընկերը ընդունել է Մենարինիի ապրանք և գլխացավ ունի: Արդյո՞ք ես պետք է այդ մասին զեկուցեմ:

Այո՛: Անկախ նրանից, թե ինչպիսի եղանակով է հավաքվում տեղեկատվությունը և Մենարինիի արտադրանքի պոտենցիալ կողմնակի ազդեցության ծանրությունը, անհրաժեշտ է զեկուցել դրա մասին 24 ժամվա ընթացքում:

Ես համագործակցում եմ մի խումբ հիվանդների հետ որոշակի նախագծերում և երբեմն նրանց անձնական տվյալները փոխանցվում են ինձ: Ինչպե՞ս ես պետք է վարվեմ:

Ձեր պարտականությունն է ապահովել, որ կոնկրետ նախագծի հետ կապված անձնական տվյալները պատշաճ կերպով պաշտպանված լինեն:



05

Բարեխղճ վերաբերմունք տեղեկատվության մշակման և ակտիվների պաշտպանության նկատմամբ

Հաշվապահական հաշվառման մատյաններ,
գրառույթներ և ֆինանսական հաշվետվություն

Մտավոր սեփականություն

Գաղտնի տեղեկատվություն

Կորպորատիվ ակտիվների
պաշտպանություն

05 - ԲԱՐԵԽԻՂՃ ՎԵՐԱԲԵՐՄՈՒՆՔ ՏԵՂԵԿԱՏՎՈՒԹՅԱՆ ՄՇԱԿՄԱՆ ԵՎ
ԱԿՏԻՎՆԵՐԻ ՊԱՇՏՊԱՆՈՒԹՅԱՆ ՆԿԱՏՄԱՄԲ



ՎԱՐՔԱԳԾԻ ԿԱՆՈՆԱԳԻՐՔ

Հաշվապահական հաշվառման մատյաններ, գրառույթներ և ֆինանսական հաշվետվություն

Մեր հաշիվների, ֆինանսական հաշվետվությունների, հաշվետվությունների և այլ տվյալների ճշմարտացիությունը, բարեխիղճությունը և թափանցիկությունը՝ բաժնետերերին կամ հանրությանն ուղղված օրենքի համաձայն, հիմնարար արժեք են ներկայացնում Մենարինի Գրուպի համար: Բոլոր տնտեսական և ֆինանսական գործարքները պատշաճ կերպով գրանցվում են:

Յուրաքանչյուր գրառում պետք է ուղեկցվի գործարքը հաստատող համապատասխան փաստաթղթերով, ով է դրա թույլտվությունը տվել, ով է կատարել այն, գրանցել և ստուգել:

Մտավոր սեփականություն

Մենարինին խթանում է դեղագործական և ախտորոշիչ նորարարությունները՝ առաջադեմ արտադրանքի հետազոտության և մշակման միջոցով, իսկ մտավոր սեփականության պաշտպանությունը առանցքային դեր ունի այս նպատակին հասնելու համար: Մտավոր սեփականությունն ընկերությանը տալիս է ինտելեկտուալ առավելություն:



Մենք խթանում ենք դեղագործական և ախտորոշիչ նորարարությունները՝ առաջադեմ արտադրանքի հետազոտության և մշակման միջոցով, իսկ մտավոր սեփականության պաշտպանությունը առանցքային դեր ունի այս նպատակին հասնելու համար:

Շարունակությունը
հաջորդ էջում



Մտավոր Սեփականություն

Մա վերաբերում է ցանկացած արտոնագրին, ապրանքային նշաններին, հեղինակային իրավունքին, առևտրային գաղտնիքին (օրինակ՝ գիտական, տեխնիկական և առևտրային նոու-հաու), ինչպես նաև բիզնես ռազմավարություններին, ներառյալ արտադրանքը շուկա հանելուն: Մենք ապահովագրում ենք մեր մտավոր սեփականությունը կորստից, գողությունից և այլ անօրինական օգտագործումից և հարգում ենք երրորդ անձանց մտավոր սեփականությունը:

Գաղտնի տեղեկատվություն և

Մեր գործունեության ընթացքում մենք կարող ենք ստեղծել կամ ձեռք բերել գաղտնի տեղեկատվություն մեր ընկերությունների, բիզնես գործընկերների և երրորդ կողմերի մասին: Ընկերության շահերը պաշտպանելու համար մենք չենք տրամադրում այս տեղեկատվությունը որևէ մեկին՝ թե Մենարինիի ներսում, թե դրա տարածքից դուրս առանց օրինական գործնական անհրաժեշտության կամ նախնական գաղտնիության համաձայնագրի:



Կորպորատիվ ակտիվների պաշտպանություն

Մենարինին ակնկալում է, որ մեզանից յուրաքանչյուրը կպաշտպանի ընկերության ակտիվները և կապահովի դրանց արդյունավետ օգտագործումը: Ակտիվները ներառում են ինչպես նյութական առարկաներ, այնպես էլ մեր գործունեությանը վերաբերող տեղեկատվություն, ինչպիսիք են մտավոր սեփականությունը, աշխատանքային փաստաթղթերը և էլեկտրոնային տվյալները: Այս ամենը պետք է օգտագործվի օրինական գործնական նպատակներով և շահերի բխումից խուսափելու համար: Գողությունը, անփութությունը և վատնուժն ուղղակիորեն ազդում են արդյունավետության վրա և կարող են խաթարել երրորդ կողմերի վստահությունը մեր նկատմամբ:

Գլուխ 5 - Գործնական օրինակներ ✓

Իմ անմիջական ղեկավարը խնդրեց ինձ գրանցել վաճառքները, որոնք նա ակնկալում է մեկ հաճախորդի նկատմամբ, սակայն որոնք դեռ հաստատված չեն: Մա լավ է?

Ոչ: Գրառուժների և հաշիվների կեղծումը, փաստերի խեղաթյուրումը համարվում են խարդախություն: Բացի կարգապահական տույժերից, այն կարող է հանգեցնել Ձեր, ինչպես նաև Մենարինիի նկատմամբ քաղաքացիական կամ քրեական պատասխանատվության: Երբեք մի կատարեք կեղծ կամ ապակողմնորոշիչ գրառուժներ Մենարինիի փաստաթղթերում:

Ես կազմակերպում եմ սեմինար Մենարինիի համար և ցանկանում եմ պատճենել հոդված գիտական ամսագրից՝ մասնակիցներին բաժանելու համար: Ես կարող եմ դա անել?

Դուք պետք է հաշվի առնեք երրորդ անձանց հեղինակային իրավունքները՝ համաձայն գործող օրենսդրությանը և օրենքների: Հեղինակային իրավունքի վերաբերյալ կասկած ունենալ դեպքում, դիմեք Ձեր ղեկավարին և/կամ իրավաբանական բաժին:

Ես ճանապարհորդում եմ գործընկերոջս հետ, և մենք քննարկում ենք շարունակական կլինիկական փորձարկման գաղտնի արդյունքները: Դա ընդունելի՞ է:

Դուք պետք է չափազանց զգույշ լինեք հասարակական վայրերում, սոցիալական ցանցերում և չհաստատված կապի ուղիներ օգտագործելիս զգայուն տվյալների հետ աշխատելիս:



ՊԱՏԱՍԽԱՆԱՏՎՈՒԹՅՈՒՆ
ՀԱՄԱՐԱԿՈՒԹՅԱՆ ԱՌԱՋ

Քաղաքական ներդրումներ

Բարեգործական և սոցիալական
ծրագրեր

Համագործակցություն
իշխանությունների և
հաստատությունների հետ


06 - ՊԱՏԱՍԽԱՆԱՏՎՈՒԹՅՈՒՆ ՀԱՍԱՐԱԿՈՒԹՅԱՆ ԱՌԱՋ



ՎԱՐՔԱԳԾԻ ԿԱՆՈՆԱԳԻՐՔ


Քաղաքական ներդրումներ

Մենարիինին խստորեն ձեռնպահ է մտում քաղաքական կուսակցություններին, քաղաքական կամ արհմիութենական շարժումներին, քաղաքական կոմիտեներին և կազմակերպություններին, ինչպես նաև նրանց ներկայացուցիչներին և թեկնածուներին ուղղակի կամ անուղղակի ֆինանսավորելուց: Ընկերությունը նաև չի ֆինանսավորում միություններին և չի հովանավորում միջոցառումներ կամ համաժողովներ, որոնց նպատակը քաղաքական քարոզչությունն է:



Բարեգործություն
և սոցիալական
ծրագրեր

Մենարինին երաշխավորում է, որ բարեգործական կազմակերպություններում ցանկացած ներդրում կամ նվիրատվություն կատարվում է բոլոր գործող միջազգային և տեղական օրենքներին և հրամանագրերին համապատասխան: Բարեգործական նվիրատվությունները և սոցիալական ծրագրերը պետք է լինեն լիովին թափանցիկ, և ոչ մի դեպքում չպետք է օգտագործվեն կոռուպցիոն նպատակներով: Նվիրատվությունները և սոցիալական ծրագրերը չեն կարող ուղղված լինել անհարկի օգուտներ ստանալուն, ինչպես ֆիզիկական, այնպես էլ իրավաբանական անձանցից, որոնք ուղղակիորեն կամ անուղղակիորեն կապված են ստացողների հետ:



Մենք ձգտում ենք
հաստատել ազնիվ և բարեկիրթ
հարաբերություններ բոլոր
իրավասու մարմինների և
հաստատությունների
հետ:

**Համագործակցություն
իշխանությունների և
հաստատությունների
հետ**

Մենարինին ձգտում է հաստատել ազնիվ և բարեկիրթ հարաբերություններ իրավասու մարմինների և հաստատությունների հետ:

Մենք միշտ պատրաստ ենք աջակցություն ցուցաբերել տեղեկատվության կամ տեղում հետաքննության վերաբերյալ իրավական հարցումների հետ կապված: Արգելվում է ցանկացած վարքագիծ, որն ուղղված է օրենսդրությամբ սահմանված կարգով հետաքննությանը խոչընդոտելուն կամ տեղեկատվության հարցումը ստանալուն:



Գլուխ 6 - Գործնական օրինակներ ✓

Մեր դիստրիբյուտորն ասաց, որ կարող է նոր պայմանագիր կնքել կառավարության հետ, եթե մենք կատարենք որոշակի բարեգործական ներդրում: Լսել եմ, որ այս բարեգործական կազմակերպության խորհրդի անդամն աշխատում է պետական գործակալությունում, որը պատասխանատու է այս պայմանագրի համար: Ինչ ես պետք է ձեռնարկեմ?

Ոչ մի ներդրում մի կատարեք և այդ մասին զեկուցեք Ձեր ղեկավարին: Դիստրիբյուտորն առաջարկում է կաշառքը քողարկել որպես բարեգործական նվիրատվություն, կամ նույնիսկ հավանաբար (պոտենցիալ) օգտագործել ներդրման մի մասը՝ պայմանագրի համար պատասխանատու պաշտոնյաներին կաշառելու համար:

Իշխանությունները տեղեկատվություն ստանալու պաշտոնական հարցում են ուղարկել ընկերությանը: Արդյո՞ք ես պետք է տրամադրեմ ընկերության փաստաթղթերը:

Այո՝ Մենարինիի համապատասխան ստորաբաժանումները լիովին համագործակցում են իշխանությունների հետ և պաշտոնական հարցումների դեպքում տրամադրում են անհրաժեշտ տեղեկատվություն: Անմիջապես ուղարկեք հարցումները համապատասխան բաժիններին (օրինակ՝ Կորպորատիվ Հակամենաշնորհային Օրենսդրության և Գաղնիսության Պահպանման Բաժին, Ներքին Առողիտի և Համապատասխանության Բաժին, Կադրերի Բաժին):



07

ՎԱՐՔԱԳԾԻ ԿԱՆՈՆԱԳՐՔԻ ԽԱԽՏՄԱՆ ՄԱՍԻՆ ՀԱՂՈՐԴՈՒՄ (ԿՈՐՊՈՐԱՏԻՎ ԻՐԱԶԵԿՄԱՆ ՔԱՂԱՔԱԿԱՆՈՒԹՅՈՒՆ)

Իրազեկում

Կարգապահական տույժ

Պաշտպանություն վրեժից



07 - ՎԱՐՔԱԳԾԻ ԿԱՆՈՆԱԳՐՔԻ ԽԱԽՏՄԱՆ ՄԱՍԻՆ ՀԱՂՈՐԴՈՒՄ
(ԿՈՐՊՈՐԱՏԻՎ ԻՐԱԶԵԿՄԱՆ ՔԱՂԱՔԱԿԱՆՈՒԹՅՈՒՆ)



ՎԱՐՔԱԳԾԻ ԿԱՆՈՆԱԳՐՔ

Իրազեկում

Անհրաժեշտության դեպքում, Մասնակիցներից պահանջվում է զեկուցել օրենքների, կանոնակարգերի, սույն Կանոնագրքի սկզբունքների, Մենարինիի քաղաքականության և ընթացակարգերի ցանկացած խախտման մասին, ներառյալ հնարավոր խախտումները: Աշխատակիցները, որոնք տեղյակ են վերոնշյալ խնդիրներից որևէ մեկի մասին, որը կարող է ազդել Մենարինիի պարտավորությունների վրա, պետք է անհապաղ տեղեկացնեն այս մասին.

- իրենց անմիջական ղեկավարին,
- կադրերի բաժին,
- և (կամ) համապատասխանության բաժին:

Հնարավոր է հայտարարությունն անել գաղտնի և անանուն՝ առանց հետապնդման վախի:



Կան խախտումների արդյունավետ հաղորդման հատուկ ուղիներ: Դիմումը կարելի է ներկայացնել անանուն՝ առանց հետապնդման վախի: Բոլոր հաղորդագրությունները կդիտարկվեն գաղտնի:



Շարունակությունը
հաջորդ էջում
→



Իրազեկում

Խախտումների մասին արդյունավետ իրազեկման համար կարող էք օգտագործել կապի հետևյալ ուղիները.

Կայք

Համապատասխանության կենտրոնական վարչության էլեկտրոնային հասցեն է՝


globalcompliance@menarini.com:globalcompliance@menarini.com.

Բոլոր հաղորդակցությունները անաչառ և պատշաճ կերպով կվերանայվեն և կուսումնասիրվեն խիստ գաղտնիության պայմաններում: Անհրաժեշտության դեպքում կձեռնարկվեն կարգապահական և ուղղիչ գործողություններ՝ քաղաքականության մեջ առկա ցանկացած հնարավոր թերությունը վերացնելու և հնարավոր խախտումները կանխելու համար: Որոշ խախտումների դեպքում ընկերությունը պետք է ներգրավի համապատասխան պետական կամ կարգավորող մարմիններին՝ հետաքննություն և քրեական հետապնդում իրականացնելու նպատակով: Որպես Մենարինիի մաս՝ մենք պատասխանատու ենք ինքերս մեր, մեր գործընկերների և ընկերության առաջ՝ պահպանելով իր համբավը՝ որպես որակյալ արտադրանքի էթիկապես պատասխանատու և հուսալի մատակարար:



Կարգապահական տույժեր

Մենարինին յուրաքանչյուր ղեկավարից, աշխատակցից և բիզնես գործընկերից ակնկալում է պատշաճ էթիկական վարքագիծ, այնպես որ բոլոր Մասնակիցները պարտավոր են պահպանել սույն Կանոնագրքի պահանջները: Գործող օրենսդրության կամ սույն Կանոնագրքի ցանկացած խախտում կհանգեցնի համապատասխան կարգապահական պատասխանատվության: Կախված խախտման ծանրությունից կամ հաճախականությունից՝ կարող է կիրառվել բանավոր կամ գրավոր նկատողություն, պաշտոնից ազատում, կարգապահական փորձաշրջան, դրամական տուգանք և/կամ Մենարինիի հետ աշխատանքային հարաբերությունների դադարում: Բացի այդ, սույն Կանոնագրքի պահանջները, Մենարինիի քաղաքականությունը և ընթացակարգերը չպահպանելը կարող է ազդել աշխատակցի առաջխաղացման և վարձատրության վրա, ներառյալ խրախուսումները կամ վարձատրությունը՝ ըստ աշխատանքի արդյունքների: Երրորդ կողմերի նկատմամբ կարող են կիրառվել պայմանագրով սահմանված պատժամիջոցներ՝ կախված խախտման ծանրությունից՝ այլ հատուկ դրույթներին համապատասխան:



Պաշտպանություն վրեժից

Մենարինին չպետք է բացասական գործողություններ ձեռնարկի այն անձի նկատմամբ, ով իրական տեղեկատվություն է տրամադրել օրենքի, Կանոնագրքի և ցանկացած այլ քաղաքականության և ընթացակարգի խախտումների վերաբերյալ: Իրավախախտումների մասին հայտարարած անձանց հետապնդումը անթույլատրելի է: Ցանկացած անձ, ով կկիրառի կամ կփորձի կիրառել բացասական գործողություններ, կպատժվի: Հետապնդման զոհերը պետք է անմիջապես զեկուցեն այդ մասին իրենց անմիջական ղեկավարին, Մարդկային Ռեսուրսների կամ Համապատասխանության Բաժնին՝ globalcompliance@menarini.com էլ. փոստի միջոցով: Տեղեկացնում ենք, որ Մերանինին հավասարապես կարգապահական միջոցներ կձեռնարկի նրանց նկատմամբ, ովքեր գիտակցաբար կեղծ տեղեկություններ կտրամադրեն, ինչպես նաև կպաշտպանի նրանց, ովքեր անարդարացիորեն ներգրավված են եղել այդ գործում:

08

ԿՈՆՏԱԿՏԱՅԻՆ ՏՎՅԱԼՆԵՐ

46



Կոնտակտային տվյալներ

Կապի հատուկ ուղիներ՝ խախտումների մասին արդյունավետ հաղորդմանը նպաստելու համար.

- Կայք
- Համապատասխանության կենտրոնական բաժին՝ globalcompliance@menarini.com

Կանոնագրքի վերաբերյալ հարցեր ունենալու կամ որևէ պարզաբանում ստանալու համար՝ խնդրում ենք դիմել.

- Ձեր անմիջական ղեկավարին
- Կադրերի բաժին
- Համապատասխանության բաժին

47

